

## SCRIPT OF EVENING GOJRI NEWS BULLETIN 4 FEB 2025 1700HRS

اوننگ گوجری نیوز بولیٹن 4 فروری 2025

\*\*\*\*\*

بیوہ آکا شوانی جموں ہے نصرت تے اظہر حسین تین خبر سنو۔

\*\*\*\*\*

### HEADLINES

- ۱ ریلوے غا مرکزی وزیر نے دسیو ہے جے مرکزی بجٹ مانہے جموں کشمیر ریلوے واسطے ۸ سو ۴۴ کروڑ روپیہ رکھیا گیا ہیں تے امرت سٹیشن غرے تحت ۴ برا سٹیشن تیار کیا جیں غا۔
- ۲ وزیر صحت سکینہ اٹونے کینسر غی دیکھ ریکھ تے بیداری نانہہ مضبوط بنان واسطے سرکار غا عزم غو عیادو کیو ہے۔
- ۳ قبائلی امور گا وزیر جاوید احمد رانا نے جموں کشمیر مانہے قبائلی آبادی غی سماجی تے اقتصادی بالاختیاری بارے کن کرکٹ تجویز ور زور دتو ہے۔
- ۴ تے محکمہ موسمیات نے اج رات ہلکی بارش تے برف باری غی پیش گئی کی ہے تے ۵ فروری غرے بعد موسم مانہے بہتری غی متوقع ہے۔

\*\*\*\*\*

### RAILWAY BUDGET

ریلوے غا مرکزی وزیر اشونی ویشنو نے گزشتہ روز دسیو کہ جموں کشمیر واسطے ۸ سو ۴۴ کروڑ روپیہ غو بجٹ رکھیو گیو ہے تانجے ریلوے غا ٹانچان تے رابطان نانہہ بہتر بنایو جاسکے۔ اس تین علاوہ بڈگام جموں توی کٹڑا تے ادھمپور جیسا ۴ بڑا سٹیشن نانہہ امرت سٹیشن غا طور ور ترقی دی جاربی ہے۔ جس مانہے ۲ سو ۲۹ کروڑ ۵ لکھ روپیہ خرچ ویں گا۔ اس گو مقصد یوہ ہے کہ سٹیشن نانہہ مزید بہتر تے مسافران نانہہ زیادہ سہولت مل سکے نال ہی، ایک ویڈیو کانفرنس غرے دوران یوہ وی علان کیو گیو کہ کشمیر واسطے تجاری ریل سروس جلد ہی شروع کی جیں گی۔ اس موقع ور گل کرتا وان ریلوے غا وزیر نے اس طرح کہیو۔

\*\*\*\*\*

### WATERSHED

پانی غا پائیدار انتظام الے پاسے ایک قدم مانہے بھارت گی حکومت والٹر شیڈ قومی مہیم شروع کرن واسطے پوری طرح تیار ہے۔ یا یاترہ پردهان منتری کرشی سچائی یوجنا گا حصہ گا طور ور چلانی جے گی۔ اس مہیم نانہہ پلک قومی سطح ور وزیر شیو راج سنگھ چوبان گے زریعے چھنڈی دس گے جموں کشمیر سمیت پورا ملک مانہے عملی طور ور شروع کیو جے گو۔ اس دوران جموں کشمیر مانہے وی اس یاترہ گو افتتاح دیہی ترقی گا وزیر جاوید احمد ڈار کریں گا۔ تے ایک جدید خاص والٹر سیڈ یاترہ ویں جس مانہے خاس قسم غا آلات لگیا ویں ب غا ۰۰۴۲ کلو میٹر غو سفر کرے غی تے ۵ لکھ تین زیادہ لوکان نانہہ آگاہی مہیم غرے زریعے معلومات دے غی۔ یاہ مہیم ۱ مارچ ۲ بزار ۵۲ تک جاری رہ گی۔

\*\*\*\*\*

## SAKINA CANCER DAY

اج عالمی کینسر غا موقع ور وزیر صحت سکینہ اتو نے جموں کشمیر مانہے کینسر تین نمڑن تے صحت سہولیات نانہہ بہتر بنان واسطے حکومت غا عزم ور زور دتو۔ جموں مانہے ایک ابم کانفرنس تین خطاب کرتا وان اُنہاں نے کینسر غا بارا مانہے اکاہی تے علاج نانہہ بہتر موقع غی ضرورت ور زور کہلیو بر سال ۴ فروری نانہہ منایو جان آلو عالمی یوم کینسر، کینسر تین متعلق اکاہی بدھان تے احتیاطی طریقان اپناں غی ترغیب دے۔ اس سال گو موضوع یونائٹڈ بائی یونک بے۔ جہیرو کینسر غیرے خلاف اجتماعی کوششان ور زور دے۔ وزیر سکینہ اتو نے اپنی تقریر مانہے صحت غا نظام نانہہ مزید مضبوط بنان تے مریضان نانہہ بہتر سہولیات فراہم کرن غی ضرورت ور زور دتو۔ اپنا خطاب مانہے وزیر سکینہ اٹو نے اس طرح کہیو۔

\*\*\*\*\*

## CULTURE MIN SYA

وزارت ثقافت روایتی فن غی ترقی نانہہ مضبوط کرن واسطے نوجوان فنکاران واسطے وظیفہ غی سکیم نافذ کر رہی بے تانجے نوجوان فنکاران نانہہ رقص مقامی بُر تے دیگر روایتی فن غا شعبان مانہے مالی مدد فراہم کی جاسکے اس سکیم غیرے تحت وظیفہ دتا جیں غا جدکہ ۲ سال غی مدت واسطے ۴ سو سکالر نانہہ ۵ ہزار روپیہ مہانہ دتا جیں غا اس بارے درکواست دہنگان غی عمر ۸۱ تون ۵۲ سال غیرے درمیان بونی چاہیے تے اُنہاں نے کسے وی تسلیم شدہ ادارے غیرے تحت کم از کم وی تسلیم شدہ ادارے غیرے تحت کم از کم ۵ سال غی تربیت حاصل کی وے۔ اس اقدام گو مقصد بھارت غا بھر پور فنی ورثہ نانہہ فروغ دینو بے۔

\*\*\*\*\*

## RANA TRIBALS

قبائلی امور غا وزیر جاوید رانا نے جموں کشمیر مانہے قبائلی برادریاں گی سماجی تے اقتصادی حیثیت نانہہ بلند کرن واسطے ٹھوس تجاویز غی ضرورت ور زور دتو۔ اُنہاں نے سول سیکرٹریٹ مانہے ایک اجلاس غی صدارت کرتا وان پائیدار ترقی تے ثقافتی تحفظ نانہہ بالاختیار بنان ور زور دتو۔ اُنہاں نے دھرتی آبا پروگرام نانہہ تمام قبائلی دہاتیاں تک پھیلان تے سماجی ڈانچہ صحت غی دیکھ بھاں تے تعلیم ور لو کہلی۔ جاوید احمد رانا نے ہوستل ایک لیویا ماڈل ربانیشی اسکولاں تے پردهان منtri آدرس گرام یوجننا ور پیش رفت غو وی جائز و لیو تے پروجیکٹاں نانہہ بروقت تکمیل ور وی زور پایو۔

\*\*\*\*\*

## BADHAAL DEVELOPMENT

ایک مثبت پیش رفت مانہے راجوری غا بڈھاں تون متاثرہ گھرائیاں گا ۳ مریضان نانہہ جہیڑا جے پر اسرار بیماری غی وجہ تون گزشتہ ۲۰ تہاڑاں تون گورنمنٹ میڈیکل کالج راجوری غا آئی سی یو مانہے داخل ٹھا صحت یا بون تون بعد اج انہاں نانہہ جنرل وارڈ مانہے تبدیل کر دتو گیو بے جی ایم سی راجوری گا سپر نٹڈینٹ ڈاکٹر شیم احمد نے معائینو کیو کہ مریضان غی حالت مانہے بہتری آئی ہے تابم کوئی وی مریض آئی سی یو مانہے نہیں بے۔ اُنہاں نے یقین دوایو کہ ۳ مریض مسیحکم ہیں تے ان غی صحت درمانی بے جہیڑی اُن غی نازک حالتاں تون کامیاب صحت یابی غو نشان بے۔ اس بارے مہارا نمائیندہ شکتی شرما غی یاہ ربوٹ۔

\*\*\*\*\*

## CS

چیف سیکرٹری ائل ڈلو نے کل ایک حدایات جاری کی ہے۔ جسے جموں کشمیر غی عوام واسطے ایک بامعنی شکایات پورٹل بنایا ہے بل خصوص اُن افراد واسطے جیڑھ مالیاتی اداراں تین قرض حاصل کرن یا خود روز گار گا دیگر ذرائع اختیار کرن مانہہ مشکلات گو سامنو کر رہیا ہیں۔ چیف سیکرٹری موصوف نے یوٹی مانہہ کاروبار بارے آسانی غا صولان نانہہ مدنظر رکھتا وان کہیو ہے جسے قرض حاصل کرنو کسے وی کاروبار یا صنعتی یونٹ غا قیام غو ایک بنیادی پہلو ہے اُبھاں نے کہیو جسے اگر بنیادی پہلو ہے اُبھاں نے کہیو جسے اگر کوئی ابھرتو کاروباری شخص قرج غا حصول مانہہ کسے قسم غی مشکل غو سامنو کرے تے تاں یاہ اُس غا کاروباری امکانات مانہہ ایک رُکاؤٹ بن سکے۔ اُبھاں نے یوٹی مانہہ کم کر رہیا مالیاتی اداراں نانہہ بدایت دتیں جسے وے قرضان گا حاصل کرن غا عمل نانہہ آسان بناؤیں تاجے نوجوان اپنی خوابشات نانہہ بدل سکیں۔

\*\*\*\*\*

## PM MUFT BIJLI

جموں کشمیر غا لوک بُن پی ایم سوریا گھر مفت بجلی یو جنا غو فائدو چاربیا ہیں تے اس سکیم تین مستفید ہو رہیا ہیں۔ یوہ منصوبو لوکاں نانہہ شمسی روشنی غے زریوے مفت بجلی فرائم کراوے جس تین گھر ان گا بجلی غا بل کہٹ ہو رہیا ہیں یاہ سکیم قابل تجدید تو انائی نانہہ فروغ دے رہی ہے۔ جیڑھ حکومت غی پائیدار تو انائی تے سرسیز مستقبل غی کوشش غو حصو بے۔ اپنا وہار تین ایک مستفید نے اپنی رائے غو اظہار کرتا وان اس طرح کہیو۔

\*\*\*\*\*

## WEATHER

جموں کشمیر مانہہ ۵ فروری تک بلکی تون درمیانہ درجہ غی تازہ برف باری متوقع ہے۔ محکمہ موسمیات نے کہیو ہے کہ اج موسم عام طور ور ابرآلود رہن غو امکان ہے تے کئی علاقاں مانہہ بلکی تے درمیانہ درجہ غی بارش تے برف باری وے غی۔ تے وادی چناب مانہہ بلکی برف باری ہون غا امکان ہے۔ جبکہ ۹ فروری نانہہ مختلف مقامات ور بلکی بارش تے برف باری غو امکان ہے۔ اس بارے گل کرتا وان محکمہ موسمیات غا افسر برم پال نے اس طرح کہیو۔

\*\*\*\*\*